

BOSNA I HERCEGOVINA
FEDERACIJA BOSNE I HERCEGOVINE
Fond za zaštitu okoliša Federacije Bosne i Hercegovine
SARAJEVO

P R A V I L N I K

**O USLOVIMA KOJE MORAJU ISPUNJAVATI KORISNICI SREDSTAVA
FONDA ZA ZAŠTITU OKOLIŠA FEDERACIJE BOSNE I HERCEGOVINE**

Sarajevo, mart / ožujak 2010. godine

Na osnovu člana 27. stava 4. Zakona o Fondu za zaštitu okoliša Federacije Bosne i Hercegovine („Službene novine Federacije BiH“, broj: 33/03), i člana 44. stav 3. Statuta Fonda za zaštitu okoliša Federacije Bosne i Hercegovine („Službene novine Federacije BiH“, broj: 33/06), Upravni odbor Fonda za zaštitu okoliša Federacije Bosne i Hercegovine, na prijedlog direktora Fonda i uz saglasnost Federalnog ministra okoliša i turizma, na sjednici održanoj dana 11.marta 2010. godine, donio je:

P R A V I L N I K
O USLOVIMA KOJE MORAJU ISPUNJAVATI KORISNICI SREDSTAVA
FONDA ZA ZAŠTITU OKOLIŠA FEDERACIJE BOSNE I HERCEGOVINE

Član 1.

Ovim Pravilnikom propisuju se uslovi koje moraju ispunjavati korisnici sredstava Fonda za zaštitu okoliša Federacije Bosne i Hercegovine (u daljnjem tekstu : Fond).

Član 2.

Korisnici sredstava Fonda mogu biti pravne i fizičke osobe koje ulažu sredstva u programe, projekte i slične aktivnosti u području očuvanja, održivog korištenja, zaštite i unapređivanja okoliša.

Pod pravnim osobama iz stava 1. ovog člana, podrazumjevaju se organi i tijela državne uprave, jedinice lokalne samouprave i subjekti koji su registrovani kod nadležnog suda, odnosno nadležnog organa uprave za obavljanje djelatnosti iz oblasti okoliša.

Pod fizičkim osobama iz stava 1. ovog člana, podrazumjevaju se fizičke osobe koje su registrovane kod nadležnog organa uprave za obavljanje djelatnosti iz oblasti okoliša.

Član 3.

Sredstva Fonda mogu ostvariti pravne i fizičke osobe pod uslovima iz člana 2. ovog Pravilnika i ako pruže jemstvo u skladu sa objavljenim uslovima u javnom konkursu za korištenje sredstava Fonda da mogu pratiti i realizovati ulaganja u projekte, programe i druge aktivnosti za koje im Fond odobri sredstva.

Član 4.

Pod jemstvom iz člana 3. ovog Pravilnika, podrazumijevaju se:

- dokazi o ulaganjima sredstava Fonda u programe, projekte i druge aktivnosti u skladu sa članom 5. ovog Pravilnika i uslovima konkursa za korištenje sredstava,
- dokazi korisnika sredstava Fonda da mogu finansijski pratiti ulaganja u programe, projekte i druge aktivnosti koje su predmet konkursa za korištenje sredstava Fonda u skladu sa uslovima propisanim tim javnim konkursom,
- dokazi o ispunjavanju drugih uslova u javnom konkursu za korištenje sredstava Fonda, te ostalih uslova propisanih općim aktima Fonda.

Član 5.

Sredstva Fonda koriste se za finansiranje zaštite okoliša, a posebno:

- zaštitu, očuvanje i poboljšanje kvaliteta zraka, tla, voda i mora, te ublažavanje klimatskih promjena i zaštitu ozonskog omotača,
- saniranje, poticanje izbjegavanja i smanjivanja nastajanja otpada,
- iskorištavanje vrijednih svojstava, te obrade otpada,
- zaštitu i očuvanje biološke i pejzažne raznovrsnosti,
- provođenje energetske programe,
- programa razminiravanja,
- unapređivanje i izgradnju infrastrukture za zaštitu okoliša,
- poboljšanje praćenja i ocjenjivanja stanja okoliša, te uvođenje sistema upravljanja okolišem,
- poticanje održivog korištenja prirodnih dobara,
- poticanje održivih privrednih djelatnosti, odnosno održivog ekonomskog razvoja,
- poticanje istraživačkih, razvojnih studija, programa, projekata i drugih aktivnosti, uključujući i demonstracijske aktivnosti.

Fond može sudjelovati u sufinansiranju programa, projekata i sličnih aktivnosti za namjene iz stava 1. ovog člana, koje organiziraju i finansiraju međunarodne finansijske institucije i organizacije.

Projekti, programi i druge aktivnosti u koja se ulažu sredstva Fonda pobliže se utvrđuju programom rada za tekuću godinu i programom rada za četverogodišnje plansko razdoblje.

Član 6.

Ovaj Pravilnik stupa na snagu danom objavljivanja u „Službenim novinama Federacije BiH“.

PREDSJEDNIK
UPRAVNOG ODBORA
Mr. Pero M. Goluža dipl.ing.

Broj: 12/05-2-2010.
Sarajevo, 11. mart/ožujak 2010. godine